

apice late rotundatus præsertim antèrius; margo anterior ad apicem valde retro-arcuatus, cum margine apicali rotundatus. Incisura analis obsoleta, late sinuata. Inter campum anticum et posticum area apicalis membranacea minuta intercalata. Pedes testacei, tibiis et tarsis rufescentibus. Abdomen fuscum, supra segmentorum margine plus minus rufescente, subtus nigrum. Segmentorum anguli haud sensim producti, nec spinosi, nec acuti, segmentum 7^m ultra 6^m in medio late prominulum, arcuatum, angulis extus ad basin cercorum oblique valde prominulis, rotundatis. Lamina supra-analis transversa, cornea, truncata, utrinque rotundata, a segmento ventrali leviter superata.

Long. 30.5; elytr. 26, pronot. 9, latit. pronot. 11.25 millim.

Hab. MEXICO, Eastern Cordillera (*Mus. Genavense*).

[2. *Epilampra imitatrix*, sp. n.

♂. Fulvo-testacea, *E. fallaci* ♂ valde major. Oculi quam ocelli magis remoti. Vertex inter illos eorum latitudine sesqui-latior, crassiuscule fusco-punctatus vel fusco-varius. Facies inter antennis, frons inter oculos occiputque fusca. Pronotum sparse fusco-punctatum, maculis majoribus intermixtis, marginibus vix punctatis. Elytra abdomen magis superantia punctis minimis fuscis conspersa; apice immaculata. Alæ hyalino-sordidæ; campo anteriore latiusculo; apice rotundato, campum posteriorem distinctius superante; margine costali nec albescente nec coriaceo. Pedes testacei, femorum marginibus brunneis, spinis fusco-rufis. Lamina supra-analis brevis, transversa, carinulata, margine posteriore transverse subarcuato, integro, ab infra-genitali superato. Cerci fusci, apice parum acuti.

Long. 26.5; elytr. 31, pronot. 7.75, latit. pronot. 10.25 millim.

Hab. BRAZIL (*Mus. Genavense*).]

3. *Epilampra mexicana*, Sauss.

Epilampra mexicana, Sauss. Rev. et Mag. de Zool. 1862, p. 228; Mém. Mex., Blatt. p. 130. 64, fig. 26 (♂); Miss. Scient. Mex., Orthopt. p. 80. 2.

♀. Fulva. Caput minutum, prominulum. Oculi invicem ut ocelli modice remoti; vertex inter illos latitudinem oculorum haud æquans. Frons inter antennis et vertex inter oculos fusci. Pronotum minutum, posterius bisinuatum, marginibus lateralibus valde deflexis; omnino subtiliter dense fusco-punctulatum, marginibus punctis majoribus nigris ornatis; lobis deflexis punctis similibus conspersis. Discus punctis 2 subimpressis, plus minus fusco-umbratus, pictura lyrata obsoletissima vel nulla. Elytra elongata, abdomen longe superantia, margine costali ultra medium longe subsinuato; omnino dense fusco-rufopunctulata vel tessellato-conspersa, in vena principali serie macularum fuscarum notata. Alæ fusco-nebulosæ, venis campi anterioris fulvis, margine anteriore et apice fulvo-coloratis, costa apice fusco-rufopunctata. Campus anterior modice latus, posteriorem vix superans, apice subangulatus, margine anteriore arcuato, apicali fere oblique truncato. Area membranacea intercalata minuta distincta; incisura analis obsoleta, late sinuata. Pedes corporis colore; coxæ, saltem posticæ, sparse granulose; femorum anticorum spina præapicalis marginis antici quam ultima dimidia minor. Abdomen flavo-fulvum; segmentorum angulis acute spinosis; subtus subtiliter dense brunneo-punctatum, ad marginem segmentorum punctis nigris majoribus ornatum. Ultimum segmentum ventrale maculis 2 nigris, apice productum, latiuscule truncato-rotundatum. Lamina supra-analis valde producta, rotundata, incisa, bilobata; cerci illam haud superantia, apice nigro.

♂. Feminæ simillimus, frequenter pallidior. Elytra fulva, punctulata ac punctis majoribus brunneis remote conspersa. Alarum campus anterior posteriorem distincte superans, apice rotundatus.

♀. Long. 32; elytr. 33, pronot. 7.6, latit. pronot. 9 millim.

♂. Long. 24; elytr. 25, pronot. 5.8, latit. pronot. 8 millim.

Hab. MEXICO (*Saussure*); GUATEMALA, Zapote (*Champion*).